



## En memoria da Luisia Berther Deragisch

La Luisia ei naschida a Gonda sco quarta feglia da Emanuel e Tresa Deragisch-Schmid. L'affonza ha ella astgau passentar en cumpignia da tschun so ras ed in frar. Meinsvart fageva ella ina viseta alla cara tatta da Bugnei. Lezza era cusunza e la buoba astgava gidar e schizun sezza cuser in bategi ni l'auter. Igl onn 1928 eis ella entrada en plazza d'emprendissadi a Mustér tier il meister-cusunz Manetsch. Examens fuvan da far a Cuera e siu diplom da cusunza per umens datescha dils 14 da november 1931.

Veser empau dapli che mo las casas sut Mustér ha cudizzau tochen ch'ella ei ida sco giuvna cusunza a Zug. Mo leu ha ella nuota pigliau ragischs - la tschaghera smaccava magari - ed ella ei bugen turnada ella biala Val Tujetsch ed ha cusiu pils Tuatschins. Vid in vestgiu da fiassts cun libroc luvrava ella circa in'jamna e quel custava al client 25 francs.

Igl onn 1938 han la Luisia ed il Gion Andriu da Camischolas detg gie in a l'auter, ed ils tschun affons ord quella letg ein stai plascher e cuntregn dalla veta. Meinsvart seseva ella aunc la sera da cazzola avon la maschina da cuser e stuppava ruosnas en mongias e tap puns.

Bia decennis ha la Luisia vendiu las cartas da condolentscha dalla procura missiuns dils caputschins ed aschia rimnau daners pils paupers. Cheutras ha ella astgau guder bials contacts cun glieud d'anoviars.

Avon 15 onns ha il Segner clamaui siu mariu ella patria celestriala . La Luisia ei lu sesentida fetg bandunada, era demai che negin dils affons ha saviu sedecider da secasar ella val. Saver acceptar e veser igl avegnir ei meinsvart la suletta scompa. Quei ha la Luisia stuiu ed aschia ha ella saviu guder. Il pass egl asil ei staus grevs. Era quei ha ella stuiu acceptar ed ella ha survegniu buna cumpignia. Dar troccas ed ir a spass ha fatg cuort'uriala. Savens scheva ella: «Co fon i bien cun nus.»

Gl'atun vargau ha la sanadad entschiet a schar suenter. Las spassegiadas da mintgadi vegnevan pli stuncienteivlas e mintgaton dulava ei era. Cu ei ha giu num dad ir el spital eis ella senuspida, ei stada resoluta e sedustada. «Sche vus leis dispet sche mon jeu pia, denton far lasch jeu lu nuota tut tgei che quels docters vulan. Ussa eis ei uras per mei, cun mes 87 onns. Mo buca vegnir colligiada vid maschinas ed uders.» - Quei giavisch ei s'ademplius ed al Segner sei laud ed engraziamenti.

Ei sin quest mund er tut vargheivel, la regurdientscha vid in car carstgaun ei eterna e dat forza.

Stiafen Berther